

# Norho wa Dudu



Tolo nivusiku, Dudu a  
hlaya buku yo vulavula  
hi swiharhi.

Kutani u khomiwile hi  
vurhongo a tlhela a va  
na norho.



Xana Dudu u lorhile yini?  
U lorhile a ri na tibaluni ta  
gasi leti ti n'wi tlakuseleke  
ehenhla empfhukeni.



Loko a ri karhi a haha,  
Dudu u hlanganile na  
xinyenyana. "Avuxeni  
xinyenyana, xana u tshama  
laha?" ku vutisa Dudu.


"Ina, lexi i xisaka xa mina," ku  
tswitswitela xinyenyana.






xinyenyana

xisaka



Kutani Dudu a hlangana  
na nkawu. "Avuxeni nkawu,  
xana u tshama laha?" ku  
vutisa Dudu.


"Ina, lowu i murhi wa mina,"  
ku jakatseka nkawu.





Avuxeni Nkulukumba  
N'wanghala na Nkulukumba  
N'wayingwe, xana mi tshama  
laha?" ku vutisa Dudu.

"Ina, hi tshama enhoveni," ku  
bonga nghala. "Ina, kunene hi  
swona", ku ngoromela yingwe.



nghala




yingwe



"Avuxeni ndlopfu, xana u tshama laha?" ku vutisa Dudu.


"Ina, leri i kaya ra mina," ku vula ndlopfu. "Na mina ndzi tshama laha," ku n'unun'uta mhelembe.

"Na mina ndzi tshama etshukeni," ku hlevetela risokotinyana.




risokoti






Kutani Dudu a hahela  
enambyeni. "Avuxeni  
Nkulukumba N'wampfuvu,  
xana u tshama laha?" ku  
vutisa Dudu.

"Ina, lowu i nambu wa mina  
futhi ndzi tshama na mfutsu,"  
ku n'unun'uta mpfuvu."






mpfuvu



mfutsu




nambu



"Avuxeni Nkulukumba  
N'wangwenya, xana na  
wena u tshama laha?" ku  
vutisa Dudu.

"Ina ndzi tshama kona!" ku  
dzumadzuma ngwenya. "Loko  
u nga fambi, ndzi ta ku dya  
u va swakudya swa mina swa  
madyambu!"

"Ndzi pfuneni!  
Ndzi pfuneni!" ku huwelela  
Dudu a ri karhi a rila.




"Ndzi tsandzeka ku haha  
ndzi tlhelela endzhaku!

Ngwenya yi ta ndzi dya!"  
ku cema Dudu.

"Pfuka Dudu. U le ku  
lorheni," ku vula manana  
wa yena. "I nkarhi wo ya  
exikolweni."





Dudu u hlamuserile mana wa  
yena hi swiharhi hinkwaswo  
leswi a hlanganeke na swona  
enorhweni wa yena.

“Swin’wana swi tshama emirhini,  
swin’wana enhoveni kasi  
swin’wana swi tshama ematini,” a  
byela manana wa yena.

“Enorhweni wa mina, a ndzi haha  
ehenhla ka swona hinkwaswo,”  
a hlamusela a ri karhi a  
tsutsumela bazi ra xikolo.



# Migungiriko ya ku hlaya hi mitlawa



I

Languta swiharhi leswi Dudu a swi voneke.  
Xana swi vitaniwa yini?  
Xana swi tshama kwihi?





2

Lava rito leri fanaka na rito leri nga eka bokisi ro sungula.

lorha	horha	lorha	rhole
tshama	tshuka	tshama	ntshava
haha	hahela	haha	heta
pfuka	pfuxa	pfuta	pfuka
nkawu	nkawu	nkuma	nkuwa
nhova	tshova	nhova	nhonga
yena	hina	wena	yena
famba	fambisa	fambique	famba
karhi	nkarhi	karhi	rhiya



3

Lava swivulwa exitorini leswi nga na hiko ● xivutiso ? na swirhatana “ ”. Swi kopunuleli ebukwini ya wena ya switoloveto.



4


Endla nghingiriko lowu landzelaka  
ebukwini ya wena ya switoloveto.






5

### Endla phaphete ya rintiho

- Landzelerisa vuhandle bya phaphete ya xiharhi xa rintiho.
- Tirhisa tikhirayoni ta wena ku khalara phaphete ya wena ya rintiho.



24



- Namarheta makumu hinkwawo u tlhela u nghanisa phaphete erintihweni ra wena.
- Tirhisa phaphete ya wena ya rintiho ku vulavula na phapheta ya munghana wa wena ya rintiho.